



各衛經歷司

經歷

各一人
衛添設一人
糧多知事各一人

倉大使副使

各一人

京衛府學

洪武二十年禮部請立武學開武舉不許曰是岐

文武為二道也建文四年始置學靖難後革正統中復設教

授人訓導六掌教京衛幼官及應襲舍人以備科舉武舉會

舉而聽于兵部

南京

成祖初改北平為

北京洪熙初命襄城伯鎮守南京宣德中

改鎮守為守備正統初命少保南戶部尚書黃福叅贊機務

後稱總督或時吏部都御史已專南兵部尚書定稱叅贊而

南京百官守備叅贊機務為要重治所在中府掌皇城京城

畿甸番守之事以時行視 陵 廟凡大小教場練將士新
江口肄水軍神機營習火器皆時督察之官軍騎籍歲一報
也圖文冊三歲一報諸江閩浦口歲督行行視之軍器歲製
貢舟均差遣而嚴輯之武學課業旗役併鎗監視焉盜賊歲
更官行緝也田請專官巡視凡便宜事會九卿五府議上請
操江都御史一人巡江御史二人專江防六部諸司具設官而稍
省其員官御加南京二字

南京宗人府經歷司經歷一人 吏部尚書一人 侍郎一人
中書省中書省中書省中書省中書省中書省中書省中書省中書省中書省
禮部尚書一人 侍郎一人 主事一人 照磨一人
兵部尚書一人 侍郎一人 主事一人 照磨一人
刑部尚書一人 侍郎一人 主事一人 照磨一人
工部尚書一人 侍郎一人 主事一人 照磨一人
戶部尚書一人 侍郎一人 主事一人 照磨一人
兵部尚書一人 侍郎一人 主事一人 照磨一人
刑部尚書一人 侍郎一人 主事一人 照磨一人
工部尚書一人 侍郎一人 主事一人 照磨一人
戶部尚書一人 侍郎一人 主事一人 照磨一人

五一人 主事十四人 司務一人 照磨一人 吏部尚書一人 侍郎一人 主事一人 照磨一人
書一人 都察院右都御史一人 通政使一人 經歷一人 都御史一人 主事一人 照磨一人
一人 監察御史三人 通政使一人 經歷一人 都御史一人 主事一人 照磨一人
磨一人 大理寺卿一人 通政使一人 經歷一人 都御史一人 主事一人 照磨一人
評事各三人 協律郎一人 贊禮寺卿一人 主簿一人 寺人
情士一人 光祿寺卿一人 贊禮寺卿一人 主簿一人 寺人
丞三一人 光祿寺卿一人 贊禮寺卿一人 主簿一人 寺人
丞四一人 光祿寺卿一人 贊禮寺卿一人 主簿一人 寺人
在滁州 啓事府主簿一人 應
監丞一人 典簿一人 主簿一人 應
一人 典簿一人 主簿一人 應
一人 典簿一人 主簿一人 應
二人 鳴贊二人 推官一人 應
目一人 鳴贊二人 推官一人 應
事一人 鳴贊二人 推官一人 應
一人 鳴贊二人 推官一人 應
八人 吏目八人 司醫副院一人 判
一人 吏目八人 司醫副院一人 判

國初定鼎金陵以集慶路為應天府置尹視九卿掌京府之政
令有丞有治中有通判有推官為之貳首領官經歷人知事
一人照磨一人檢校一人

外官十三省承宣布政司提刑按察司 按瓊山丘氏言黃帝曰

監唐虞四岳十二牧三代方伯連帥皆後世監司之任但是
時封建之制行所監者乃諸侯之國秦漢始立郡縣置守令
地方而官衆所以監之者尤不可一定之制漢以來雖設刺
史州牧觀察節度轉運提刑等職然官無常制治無定署其
流之弊乃至任分而不一權重而不掉雖有監察之名而無
刺舉之實遂至吏無所懲而民不受惠者有之此論頗中當

時之弊然于建制名義鮮覈又按東萊呂氏論宋監司曰國
初未嘗有監司之目其始除轉運使止因軍興專主糧餉太
平興國中詔詔邠寧隍源等州先隸藩鎮今直屬京師郡長
吏得自奏事自是而後邊防盜賊刑訟金穀按廉之任皆委
于轉運使又節次以天下土地形勢俾之分路而治繼增轉
運使判官於是轉運使於一路之事無所不總即執政大臣
出領外郡亦轉運使所部而權重矣其後景德間建提點刑
獄一司實分轉運使之權又以武臣帶閣職副之皆令譏察
漕司也監司之權既分所領之職又分諸路復以知州帶一
路安撫鈐轄名目自領軍事而轉運使司所職催科徵賦出

納金穀應辦上供漕輦綱運數事而已

布政使司 唐有叅知政事宋下宰相一等元尚省亦置為宰相之貳行省亦有左右叅政

皇朝承宣布政使司初為行中書省或分中省六部尚書往往出為叅知政事叅政入為尚書洪武九年詔改浙江以下諸省為承宣布政司十五年置雲南布政司永樂十一年置貴州布政司初交趾亦設布政司宣德中革左右布政使各一擬古方伯掌一省之政令左右叅政叅議各一人因事添設無定員為之貳朝廷有德澤禁令承而播之以先有司凡僚屬武官歲察其臧否而上下其考以報于撫按而達于吏部兵部凡諸政

務議定而請于撫按曰清軍曰分守曰督糧曰邊備曰撫民各專事焉其屬經歷司經歷一人事一人照磨所照磨一人檢校一人理問所理問各一人庫局各大使一人副使一人

按察使司 唐置十道按察使宋轉運使兼按察使元各道置提刑按察使有副使簽書公事為之貳又置經歷知事等員後改肅政廉訪司

國初置提刑按察司於湖廣道洪武十四年定各道按察分司以儒士黃存忠等五百三十一人為試僉事人按二縣諭之曰治吏之弊莫甚于貪墨而庸鄙者次之今天下府州縣官於斯二者徃徃有之是以弊政日滋民受其害故命爾等按

治其地凡官吏賢否軍民利病皆得廉問糾舉建文中改按察司為十三道肅政按察司靖難後定今制按察使人掌一省刑名按劾之事糾察官邪擒治貪酷禁詰強暴平讞刑獄雪理冤枉以振揚風紀副使食事為之貳或分巡提學兵備撫民巡海清軍屯田水利治民驛傳各專事為官不備則兼領之

凡分巡浙江二道浙東浙西五道南昌湖東湖西九嶺北福建四道福建寧武平漳南湖廣五道武昌湖南湖北荆南荆西河南四道大梁河北河南汝南山東三道濟南東兗海右山西四道冀寧冀南冀北河東陝西四道閩內河西閩南隴右西寧閩西四川東川西川南川北廣東五道嶺南嶺東嶺南海內海北廣西四道桂林蒼梧左右江雲南四道普安臨沅金滄洱海貴州四道貴寧新鎮安平思仁

其屬經歷司經歷一人
知事一人照磨所照磨一人檢校一人司獄司司獄一人

都轉鹽運使司 鹽課提舉司 轉運使之名起于唐開元天寶間裴曜卿等五琦嘗為之宋亦置諸轉運使以總利權蓋主糧餉以足軍其後使總他事非其職也宋又有提舉制置解鹽司掌鹽澤之禁令使民入粟塞下予鈔給鹽以足民用而實邊備

皇朝設都轉鹽運使司所掌惟鹺事非若唐宋槩主水陸糧餉而轉運使之名實本于此其鹽課提舉司大抵亦同于宋也鹽運使司都運使人掌鹺事以聽于戶部同知一人副使人判官無定員為之貳凡分司鹽課司鹽倉批驗所皆兼領之禁私煎私買賣窩買窩諸奸弊謹受巡鹽御史之政令而申勵焉

今兩浙兩淮福建山東
長蘆河東凡六運司

其屬經歷一人知事一人庫大使一人副使

鹽課提舉司提舉

一人同提舉

一人副提舉

無定員提舉鹽課之事以

聽于戶部

今廣東陝西四川雲南凡四提舉司

首領吏目

一人

苑馬寺卿一人少卿一人寺丞二人首領主簿一人其各監監正監副錄

事苑圍長咸屬焉

府州縣

知府即古建侯時州牧之任也秦滅諸侯以其地為

郡置守丞尉各一人守治民丞佐之尉典兵漢中元中

景帝

名郡守為太守漢制歲盡遣上計掾史各一人條上郡內眾

事謂之計偕簿郡為諸侯王國者置內史以掌太守之任成

帝時省內史以相治民則相職為大後漢或以尚書令僕射

出為郡或自郡守入為三公三國時有郡守國相內史晉郡

皆加將軍無者為耻隋皇中罷諸郡以州統縣大業中又改

州為郡郡置太守唐改郡為州改太守為刺史加號持節

實

節但預銅魚符而已

天寶又改州為郡刺史為太守自是州郡史守更

相為名其實一也開元中定天下州府以近畿之州為四輔

其餘為六雄十望十學及上中下之差五代時仍刺史之號

宋命朝臣出守列郡號權知州軍事軍謂兵州謂民政焉其

後文武官參為知州軍事建炎中詔河北京東西路除帥臣

外舊差文臣知州去處許通差武臣一次後詔要郡帶本路

兵馬鈐轄次要郡帶本路兵馬都監紹興中罷乾道中高宗不

任守臣不為即知縣之名其源出周官周官有縣正四百里為

縣各掌其縣之政令而賞罰之春時列國相滅多以其地為

縣時則縣大而郡小左傳云上大夫受縣下大夫受郡又周書作維篇曰千里縣縣有四郡

縣邑之長曰宰曰尹曰公曰大夫晉謂之大夫魯衛謂之宰楚謂之令尹其職

一也戰國郡大而縣小甘茂謂秦武王曰宜陽大縣名曰縣其實郡也漢制列侯所

食縣曰國皇太后公主所食曰邑有蠻夷曰道凡縣萬戶以

上為令減萬戶為長侯國為相秩次亦如之皆因秦制也晉

制不經宰縣不得入臺為即隋縣有令有長唐縣有赤畿望

學上中下之差京縣所治為赤縣京之旁邑為畿縣其餘則以戶口多少資也美惡為差玄宗開

元中新除縣令于宣政殿親問以理人之策五代任官凡齷

齷無能者始注為縣令宋建隆間以朝臣為知縣其間復叅

用京官或幕職為之天聖間令選猥下人數言其病民乃詔

為舉法以重令選乾道中御筆今後非兩任縣令不除監察

御史初改官人必作令謂之須入孝宗持之益嚴自後詔除

殿試三名省元外並作邑已改官未歷縣人並令親民一次

遂著為令矣

皇朝洪武六年府定為三等賦二十萬以上為上府二十萬以

下為中府十萬以下為下府縣賦十萬石以上為上縣六萬

以下為中縣三萬以下為下縣品亦有差既而品定今制適

年又區天下之郡縣定衝煩簡僻之等用以考殿最為黜陟云

府知府一人掌教養郡民之事同知通判各一人清軍匠管糧

因事添設通判多至五人推官一人理刑為之貳其屬經歷司經歷一人知事一人

照磨所照磨一人檢校一人司獄一人所屬衙門州縣及儒學倉稅

課司分司雜造織染局陰陽學醫學僧綱司道紀司巡檢司

批驗茶鹽引所水馬驛進運所河泊草場閘壩

州知州一人掌教養所治州民同知一人清軍匠或判官管糧管

治農管河每視各州吏目一人州務上視府下視縣會典云州

不及三十里長者有屬縣則裁減同知無屬縣則裁減同知

判官添設官與府同所屬衙門如府

縣知縣一人掌教養所治縣民縣丞一人主簿一人添設無定員若

不及二十里長裁革縣丞主簿首領典史一人所屬衙門如州

府州縣立學設官府學官長曰教授州學官長曰學正縣學

官長曰教諭各一貳俱曰訓導府學四人州學主教民俊秀

府州縣屬各有陰陽學府正術州典術有醫學府正科州典

一人有僧道司府僧綱司有都綱副綱道紀司都紀副紀各一

會司道會府有倉稅課司分司雜造織染局大使副使有巡

檢司巡檢一人有批驗茶鹽所大使一人有水馬驛驛丞一人進運

所大使一人河泊所河泊一人有草場大使一人有閘壩各官州縣

屬所在有司局所者亦設官如府

市舶提舉司 提舉一人掌海夷朝貢市場之事副提舉二人首領吏目一人所屬驛丞一人

王府官 王府之官始于漢凡王國置大傅中尉各一人後每國置郎中令一人而今制所稱長史者則梁與唐皆有是官而司馬文學等官歷代亦復不一王府師傳以兼官為之無定員又有翊善至講等官

皇朝王府官自洪武二年至九年更定者四十二年罷諸王相府設長史定今制長史司左右長史各一人掌王府之政令輔相規諷以匡王失凡府僚皆統于長史紀綱其職務其屬

典簿一人所屬衙門審理所審理一人正副各一人紀善所紀善二人典寶

所典寶一人正副各一人典膳所典膳一人正副各一人奉祀所奉祀一人正副各一人典

樂所典樂一人良醫所良醫一人正副各一人工正所工正一人正副各一人典儀

所典儀一人正副各一人伴讀一人教授一人倉大使副使各一人

郡王府教授一人典膳一人鎮國將軍有奏乞教授者添設一人

襲封衍聖公 洪武元年先師五十六代孫希學來朝詔襲封

衍聖公正二品印誥視一品其屬管勾一人典籍一人司樂一人

年以克伸為世曲阜知縣又立孔顏孟三氏教授司教授一人

學錄一人學司一人宣德七年以克晏為三氏學錄浙江平陽有

孔克表者於希學為父行洪武六年為翰林院脩撰兼編修

父之與世襲翰林院五經博士景泰二年顏孟程朱之後皆與世襲翰林院五經博士嘉靖又訪求曾子後

公侯伯 今所稱公侯伯非三代以上五等之爵各自治其所

封之地者也蓋倣秦漢以來之制矣秦封爵二十等以賞功

其十九曰關內侯其二十曰徹侯猶通侯列侯之稱漢改稱通侯避武帝諱漢高

平天下論功定封侯者百四十有三人大者不過萬家小者

五六百戶以為差降光武分土亦不過大縣數四所加特奉

朝請而已唐制于庶姓卿士功業特盛者封郡王其次封國

公其次有郡縣開國公侯伯子男之號亦有九等並無官土

其加實封給縑帛每賜爵進加一級則食其分封食諸郡以租調給然不

世襲而封建之遺制盡廢矣至肅代而後則疆藩私其土地

甲兵而世守之同于列國宋大畧沿唐制食邑三百戶縣開

國男五百戶封子七百戶封伯千戶封郡侯二千戶封公千

五百戶以上始加實封惟將相食邑萬戶當時貴官有蔭子

入仕之例其歷任年深德齒漸尊者又特封以王爵然祖父

所授之爵則不襲也

皇朝公侯伯凡三等以封功臣及外戚皆有流有世並給鉄券

高廣凡五等號凡三等歲祿視功有差已封而又有功者仍

爵或進爵加祿其才賢者克京營總督五軍都督掌印魚書

守備番都出克總兵官鎮守其襲替徵券詰論功過覈適庶

幼而嗣者學于國子監有過革冠服學于國子監坐罪祿重奪爵

駙馬都尉 駙之為言副也一曰近也疾也昔人袁樞南朝人有言曰昔

王姬下嫁必適諸侯漢初以列侯尚公主自斯以後降嬪素

族駙馬都尉置由漢武時非以為尚公主者之稱魏晉以下凡尚公主必

拜駙馬都尉蓋以王姬之重庶姓之輕故假之以位加之以

給使可伉儷王女也唐宋因之不改

皇朝駙馬都尉次于侯凡尚公主媼長公主皇姊大長公主皇

並稱駙馬都尉尚郡主親王女縣主郡王女郡君郡王孫女縣君郡王曾孫

女鄉君郡王孫女並稱儀賓食祿有差皆不得預政事

國初駙馬或典兵鎮守自李堅副總兵封欒城侯多署宗人府

事嘉靖初崔元以迎 駕封京山侯

五軍都督府 後漢建武初權置督軍御史未有都督之名曹

魏始置都督諸州軍事至有加大都督持節假黃鉞專戮者

江左以來都督中外尤重如王導權重者乃居之然未置府

後魏多事置京畿大都督總軍人始立府置佐後周改都督

諸軍事為總管為都督之任至隋以都督為散官用以酌勤

勞而加使持節悉罷矣唐諸州復有總管武德中改總管為

都督府景雲中置都督二十四人隨其地有大中下都督之

稱以察御史以糾善惡後以權重罷之惟楊益并荆四大都

督如故自唐以後不置宋紹興中秦檜欲奪呂元直相權議

元直以左僕射都督諸軍事自是多宰相兼都督者開禧中有列土之議遂不復除都督矣

皇朝初置統軍大元帥府後改樞密院又改為大都督府設今官洪武十三年始分中左右前後五軍都督府永樂初置行都督府宣德中華府稱行在者正統中除凡公侯伯及三等真署都督並得充總兵副總兵其名掛印將軍稱鎮守者雲南征南將軍兩廣征蠻將軍湖軍平蠻將軍遼東征虜大將軍宣府鎮朔將軍大同征西前將軍延綏鎮西將軍寧夏征西將軍甘肅平羌將軍薊州淮安鎮守漕運總兵以畿內故不得掛印稱將軍有大征討遣總兵則掛平賊將軍平胡將

軍平虜將軍平夷將軍征虜將軍討賊將軍或大將軍前將軍副將軍印事已納印

中左右前後五軍都督府左右都督各一人都督同知二人都督僉事二人恩功寄祿無常員都督掌軍旅公侯伯及三等都督領之各領其都司衛所以達于兵部

在京錦衣等上十二衛金吾左等上十衛凡二十二衛名親軍指揮使司騰驤左等四衛亦曰親軍指揮使司武功中等六衛長陵等七衛並不隸督府亦不稱親軍其餘畱守左瀋陽右

等三十五衛分隸五府其在外南北直隸十三省都衛所亦各分屬得節制焉內畱守五衛本國初都鎮府司總領禁

衛改為番守五衛專巡察守衛五府首領各經歷一都事一
錦衣衛附在京諸衛 本朝十二衛即唐人十六衛之遺制凡
諸衛親軍皆以番直宿衛執戈戟嚴巡警監門禁而錦衣所
掌者乃鹵簿儀仗之事旗手所司者乃旗纛金鼓之物諸衛
皆統軍卒而錦衣獨領校尉力士即周之虎賁旅賁也諸軍
皆世卒而府軍獨簽幼軍即漢之六郡良家子也諸位正倅
一惟其世獨錦衣之任則不以世而以能蓋御座則夾陛而
立御輦則扶轅以行出警而入蹕承 旨而傳宣皆在所司
而詔獄所寄則又重矣
又按錦衣衛本 國初儀鑾司後定為親軍都督府而司隸

焉十五年罷府及司置錦衣親軍指揮使司鎮撫司理衛中
刑名如列衛而兼簡軍匠所謂南鎮撫司也北鎮撫司本添
設專理詔獄成化十四年始給印分司得直達上下法司覆
議領衛事者恒以都指揮都督或恩功或寄祿掌侍衛之事
凡將軍力士校尉分番護駕直宿巡察凡大朝常駕出入督
設鹵簿儀仗凡皇城四門日夜番直巡鑿之凡盜賊奸宄街
塗溝渠蜜緝而時省之凡奉 旨鞠獄錄囚勘事與三司從
事凡比試監視焉其屬經歷一

留守司 留守始于後漢和帝南巡張禹以大尉兼衛留守自是
唐宋以來凡車駕不在京都則置留守戎 朝中都鳳陽之

有留守之有留守司者以

聖祖龍興之地如周之岐豐漢之豐沛也洪武三年建為中都尋定鼎金陵乃設留守司于此其興都留守司則置于嘉靖間蓋

世宗發祥之地故亦設焉正留守一人掌中都興都守護防禦之

事副留守二人指揮同知二人為之二中都領皇陵衛即英城內

番守中等七衛洪唐千戶所興都領顯陵衛及護衛三百七

十五守禦屯田群牧千戶所三百七十儀衛司三十二其屬

經歷司經歷一人都事一人斷事司斷事正副各一人吏目一人司獄人

各都指揮使司 行都指揮使司 各在衛指揮使司 都揮

揮使本唐方鎮軍校之名唐兵志曰僖宗幸蜀以神策大將軍為都指使其職始重宋初都指揮使以節度為之而副都指揮使以刺史以上充中興後遂不除矣

皇朝都指揮使司初為翼元帥府又改為行都督府省城稱都

衛都鎮撫司八年改為都指揮使司今都指揮使司十六曰

浙江江西福建廣東廣西湖廣河南山東山西陝西四川貴

州雲南大寧萬全遼東行都指揮使司五四川陝西湖廣福

建山西都指揮使二人都指揮同知二人都指揮僉事四人掌官軍

之政令各率其衛所以歷于五府而聽于兵部凡都司並流

官或世官其屬經歷一人都事一人斷事一人副斷事一人吏目一人司

獄一統司事者曰軍政掌印練兵屯田者曰軍政僉書巡捕
漕運京操備禦諸雜務並選充之曰見任管事否曰帶俸凡
備倭守備行都指揮事者不得升牙公座凡朝廷吉凶之禮
視布政司其屬都司同

各外衛 漢武初置衛將軍今一衛隸軍五千六百名指揮使
一指揮同知二指揮僉事二鎮撫二掌軍旅防禦之事使同
知僉事考選掌管衛事陞授改調增置無定員凡世流襲替
優給優養報都指揮使司達所隸都督府移兵部每歲藩臬
撫按考察其賢否五歲一考選軍政廢置之鎮撫則掌刑獄
其屬經歷知事各一軍民指揮使司事體同

千戶所隸軍一千一百二十名正千戶一副千戶二所鎮撫
二百戶所隸軍一百一十名百戶十陞授改調無常員凡治
軍之政必聽于衛衛下千戶所千戶督百戶百所下總旗小
旗率其伍卒以聽 守禦千戶所軍民千戶所事體與千戶
所同每所設總旗二小旗十已上武官俱世襲惟首領屬官
吏部銓除

衛學 國朝軍衛無學宣德十年從兵部尚書徐河之請令天
下軍衛獨治一城者皆立學正統以來天下軍衛延至邊檄
各建學設教授訓導品秩俸祿如府學之制

鎮戍 唐制緣邊戎寇之地則加以旌節謂之節度使武德初

邊要之地亦置總管以統軍 國朝凡天下要害處所必專
設官統兵鎮戍總鎮一方者曰鎮守獨守一路者曰分守獨
守一城一堡者曰守備有與主將同處一城者曰協守又有
備倭提督提調巡視等官其官稱掛印專制者曰總兵次曰
副總兵曰叅將曰遊擊將軍俱于公侯伯都督指揮等官內
推舉充任

內官 周禮天官有宮正宮伯內宰內小臣閹人寺人內監之

屬各掌王宮王門之事鄭氏註獨于內小臣曰以奄人為之

奄謂精氣
閉藏也

于內監曰奄人未冠之稱則諸掌宮及門者非皆

奄人也

故漢景帝置大長秋

皇后
官名

或用中人

閹

或用士人其

侍中中常侍各一人省尚書事黃門侍郎一人傳發書奏皆
用姓族後漢中常侍贊導內事顧問應對永平中始定員中
常侍四人小黃門十人明帝以後員數稍增改以金鑄右貂

秦中常侍官參用
士人皆銀鑄左貂

兼領卿署之職自和熹太后稱制不接公

卿乃以閹人為常侍小黃門通命兩宮自此以來悉用閹人
不調它士自安迄桓權任尤重卓超等以謀誅梁驥功同日
封侯及袁紹大誅宦官後永巷掖庭復用士人閹闈出入莫
有禁矣隋置內侍省又改為長秋監唐省臺監改置不常初
太宗定制不任以事惟內閣守禦庭內掃除廩食而已開元
天寶中始拜三品將軍列戟于門監軍柄政俱在宦人宋初

有內班院淳化中改為黃門又改為內侍省有知都押班等名而都都知為內臣之極品政和中又盡易國初內客省使等名而黃門之名如故其屬勾當等官員數猥多大用事矣高宗深懲其弊嚴禁併省至孝宗時定以二百人為額蓋宋馭宦官比漢之末季唐之中世實過之也

皇朝初置內史監奉御凡六十人洪武十七年更定內臣諸監局庫品職二十三年改中使司二十八年頒 皇明祖訓遂定今制內官監門司局庫分職掖庭凡監十一曰神宮監尚寶監陵神宮監尚膳監尚衣監司設監內官監司禮御馬監印綬監直殿監監各有大監少監監丞典簿長隨奉御凡門

四曰奉天門午門端門承天門各有門正門副凡司六曰鍾鼓司惜薪司云各有司正司副凡局六曰兵仗局內織染局針工局巾帽局司苑局酒醋麪局各有大使副使凡庫三曰內承運庫司鑰庫內府供應庫各有大使副使 東宮典璽局典藥局典膳局典服局典兵局典乘局各有局郎局丞王府有承奉司典寶所典膳所典服所各有正副內使司冠司衣司珮司履司藥司弓矢凡十人各門官亦有正副公主府中使司亦有正副三十年內府又置都知監銀作局

女官 洪武四年 上令定女職禮部具陳周制後宮設內官

以贊內治

如女御掌叙御以防專妬女史掌禮職

漢設內官

一十四等凡數百人唐設六局二十四司官凡一百十九人
女使五十餘人皆選良家女子充 上曰古者所設過多宜
防女寵垂法將來命重加裁定遂立局六曰尚宮尚儀尚服
尚食尚寢尚功司一曰宮正二十九年重定官秩職掌如故
土官 蠻夷居近徼為守者世官曰土官始於洪武七年西南
諸蠻夷來朝貢者各授之以官稍與約束定糧徭差發自唐
以藩方不靖遣重宣諭安慰之故有宣慰使之名今宣慰司
十有一 宣慰使從三同知正四副使從五 唐有宣撫使宋不
宣慰使從六首領經歷都事各一人
常置今宣撫九司 使從四同知正五副使從五 唐有招討
使從六首領經歷都事各一人
使每用兵權置今招討司二 使從五副使從五 唐有安撫大使唐
使從六首領吏目

以節度兼之今安撫司二十 使從五副正六 長官司百七

十有三 長官正六副 蠻夷長官司 長官正七 及府州縣正

貳幕屬凡世官者皆謂土官主附輯諸蠻謹守疆土脩其職

貢而供其調發無敢携貳有相讐言者疏上聽 朝命有派官

者銓于吏部兵部又有蠻夷官苗民官千夫長副千夫長百

夫長軍民萬戶府首領經歷知事並聽銓司有儒學制如府

國朝官職事宜問辯

三省 問三省者漢以下之制得夾持互制之法可行於後世

天子不能以一人治天下尚書省奉行之不可無也繼世貴

養不能勞悉萬機中書省造命之無不可無也獨任易流則

門下省審駁之不可無也今日之事可與同之否曰三省之意古與今大畧相同但前代都未盡善中書尚書官尊得門下省相為持衡惟漢武宣以任宦者弊於藝成帝以更士人弊於輕晉宋而來以屬相臣弊於合隆光武事歸臺閣則繼之者弊於尚書任重魏置秘書令監典尚書奏事則中書密勿弊於尚書踈遠東晉南北朝天子以侍中常在左右弊於權歸門下唐武德中門下省置政事堂開元後移政事堂於中書省皆先議同而後行之宋宰相無統三省以三省為空官元以中書省為都省弊於和光而無建白呂公著司馬光請三省合班奏事分省行事議者謂既同進呈不應自駁已

行之命蓋無補於事也宋宰相權合三省所籍後省給舍尚存叅復之意元豐制則以給舍為宰相屬官由是風采蔑聞矣我朝

太祖深識此意重六科封駁與天子抗議而特卑其銜超越前古之見其一洗諸弊者乎

天官冢宰 問周禮天官卿揔五官庶職如錢谷供銜悉屬其掌理不幾於瑣屑非易簡之道乎然今日之事何以不然曰周冢宰之職只稽覈百官而出之法布和於正月之吉廢置於歲經之會只大計於三年之誅賞豈屑屑八法八則八柄八統九式九職九貢九兩之親理耶彼其所有事在建牧立

監設叅傳伍之類定其銓注以考課要其功罪其贊治朝贊
聽朝及戒祀贊至不過具百官之長非其所專業也今之職
掌大畧相似惟計覈踈密為不同及內政不相關迥異耳
入閣 考之漢朝凡為賢相俱由郡守考之宋制凡為宰相須
歷州郡蓋取其知閭閻之困苦與人情之練達也我朝若薛
瑄入閣則由御史李賢入閣則由主事皆為一時名臣大學
士楊清亦由巡撫而轉吏部選入閣矣是誠立賢無方善能
變通者也乞議為定制永世遵行可焉
師保 問師保加官自三代而上且然蓋古之道乎由今以觀
若綴旒然徒以為華也則柰何曰世之議者謂三師三少之

不當立則哂然以為不考古甚矣古三代之英三公詔道三
孤貳公弘化蓋天子不可無師故歷代因之似矣而孰知其
為責也格人主之非心司萬化之原無案牘以為托者乎是
以周官不列銜其朝士大詢位槐棘司仕政治朝儀位太僕
掌復逆不過備顧問習問國議論道不論政與後世師傳保
異耳夫尊之以道則不當授之以事今大臣總有朝廷機務
復以師禮致隆如其實師之則案察稽覈之典或踈如繫之
以空名則其建是官亦徒也 太祖的知此意未嘗有師保
加秩

太宗深識 太祖之心至洪熙朝始加張輔為太師楊士奇為

少保進少傅楊榮為太子少傅進少保後三楊皆進少師又
夏元吉蹇義黃福亦加師保景泰間以易儲事文武大臣各
進師保之銜天順初悉革罷天順五年曹欽反李賢幾被害
獨加太子少保至成化初復加少保吏部尚書王翱加太子
太保其後或以考滿加或以論功加漸無制矣夫以道德為
王者師官不必備惟其人乃借為酌恩榮資之賚不惟濁王
者不借之賞抑所以長臣子自恣之心至於身歿濫為贈典
則尤其無謂者耳

內閣 問本朝內閣票旨 太祖 太宗未有也然繼體之君
貴養萬機之勞似須有代之者而絲綸之寄權局攸歸復與

相體無異則

太祖禁立相之嚴恐於此焉闕矣設加情於內閣之抑則欲通
閭闔者乃釁端奄豎是重有不宜可乎敢質其所由來與可
通於萬世蓋奚從而便曰永樂初建內閣於東閣門內取翰
林解縉等七人在閣辦事正以備顧問官銜學士而已終永
樂之世楊士奇楊榮官止五品是時尚沿

太祖之意欲卑其銜以殺其勢至仁宗朝其意漸失况在閣資
深又東宮誼厚勢難久滯乃陞楊士奇為禮部侍郎尋加少
保轉少傅兼華蓋殿大學士楊榮為太常卿進太子少傅兼
謹身殿大學士楊溥為太常卿兼翰林學士此三楊特恩破

格之始也後楊榮陞尚書授以工部蓋不欲以兼官壓六卿之上楊濬丁憂起復不入閣宣德間因九年考滿陞禮部尚書至英宗時復命入閣故宣德以前內閣與外九卿為平交執禮持法不相顧忌宣德以後三楊眷重漸柄朝政英宗以九歲登極事几啓太后太后避專令內閣議行此內閣票旨之所由始也然三楊權在不妄用及楊榮卒於正統五年楊士奇卒於正統九年楊濬卒於正統十一年則漸改於其舊及景泰易儲之後雖天子亦籍內閣以為已用但其官品如蕭鎡江淵許彬王一寧商輅等皆不脫學士之銜天順初李賢始以兵部侍郎陞吏部尚書兼翰林學士入閣薛瑄

由大理卿陞禮部侍郎兼翰林學士入閣成化弘治多由侍郎陞尚書入閣若先陞尚書則無入閣之命至正德初劉瑾亂政其黨焦芳直以吏部尚書入閣蓋以外寮之首而入主中秘之權然亦陰執其柄至張孚敬則直以相體自尊危坐諸卿之上而名委之張雖好高不懼絕利一源乃其具美以後則廣容奔競銓攬百司典內則禍福響應漁外則餽將鱗有不可勝言者矣

銓司 問銓司缺少每病壅滯柰何曰覈今仕板京堂官約一百二十餘京司官約五百方面官約四百進士候選者三年約三百進士為州縣正府佐及舉人官可陞京司者約二百

三年之間以進士候選者進士為州縣正府佐者舉人官可
陞京司者共計五百以陞京司五百之缺京司之五百以陞
方面之四百及羨餘以補京堂方面之四百合京司羨餘共
以陞堂統共約一千五百員三年之內續益進士三百舉人
約陞京司者少許歲准其益數計合消一百餘員以一千五
百人歲得廢黜亡故百餘消息之數亦自然之勢也而銓司
復慮才湧而官無以居之乃不為久任長使之法或數轉以
申私或巧排以騰缺或添註增設以疏通而士無固志雖欲
痛裁奔競其庸得手哉

師傳

問師少加官自三代而上且然蓋古之道乎而由今以

觀若綴旒然徒以為華也則柰何曰世之議者謂三師三少
之不當立則哂然以為不考古甚矣古三代之羨三孤貳公
弘化蓋天子不可無師故歷代因之似矣而孰知其為責也
格人主之非心司萬化之原無案牘以為托者乎是以周官
不列銜其朝士大詢位槐棘司仕政治朝儀位太僕掌復逆
不過備顧問習聞國議論道不論政與後世師傳保異耳夫
尊之以道則不當授之以事今大臣總有朝廷機務復以師
禮致隆如其實師之則案察稽覈之典或踈而繫之以空名
則其建是官也亦徒也 太祖的知此意未嘗有師保加秩
太宗深識

太祖之心至洪熙朝始加張輔為太師楊士奇為少保進少傅楊榮為太子少傅進少保後三楊皆進少師又夏元吉蹇義黃福亦加師保景泰間以易儲事文武大臣各進師保之銜天順初悉革罷天順五年曹欽反李賢幾被害獨加太子少保至成化初復加少保吏部尚書王翱加太子太保其後或以考滿加或以論功加漸無制矣夫以道德為王者師官不必備惟其人乃借為酌恩榮資之資不惟溷王者不借之賞抑所以長臣子自恣之心至於身歿濫為贈典則尤其無謂者耳

臺省 今之弊官不乂任國初臺省不甚通如御史陞按察僉

副或徑陞使使乂則入為左右副都則左右副僉則左右僉如知府乂則陞左右布政使或叅左右使乂則入為部侍郎尚書等如此則法吏敢持繩糾之權民吏無不更事之嫌今臺省既大相通融而任又弗乂也蓋官非良乂必敗故今之官利數遷太相賞緣求速故私奸易規避大事無了絕途路迎送糜費甚者一官至民不知姓名去矣猶過客也今又為小轉法如知府轉按察副使按察僉事轉叅議等或年資未應轉又為更調法如此府調彼府此縣調彼縣此臬調彼臬此省調彼省等甚者巡撫都御史亦調法愈巧而官愈廢故曰今弊

翰林 問吳元年置翰林院開禮樂二局洪武初局廢已而設
學士承旨侍講侍讀直等學士及典籍簿待制修撰應奉編脩
典籍檢閱官洪武十四年革承旨直學士待制應奉檢閱典
簿又設孔目五經博士侍書待詔檢討至十八年定學士侍
讀侍講學士為正官孔目為首領官五經博士典籍侍書待
詔為屬官編脩脩撰檢討為史官又有秘書監弘文館起居
注亦皆革先是十五年倣宋制設華蓋武英文華殿文淵殿
東閣大學士後先創革必有說乎曰

高皇帝初定東南首召陶安為學士制度儀章悉安所議嗣是
朱升啓同宋濂魏觀劉三吾葛鈞皆有籍焉洪武初典禮肇

脩局且廢制誥記史藝翰有國之首翰乃立諸員而總以學
士為提綱學士又學之成者以之侍其讀侍其講以親其所
御其考經執籍執書應詔更以供其所役編焉選焉檢覈焉
以紀其所行此建制之周也中間謂其繁而革之亦各有指
殿閣之沿於古即承旨學士直學士之職也侍制應奉即知
制誥之事也檢閱即檢討之官也秘書監即典籍之司也起
居注即史官之業也弘文館即五經博士之屬也蓋廢置有
因典司無缺而設立甚明其後不就列陳力典密非奉直原
司制誥非承旨舊意脩書非史官故業撰著非學士本色或
非昔之舊矣

官僚 問願聞官僚建置曰國朝東宮官屬洪武二十五年始
定以啓事院為府左右春坊司經局悉屬焉二十九年增設
清紀郎司諫通事舍人大要以輔導侍從為職蓋豫養皇德
雅意墳史輯頤性情前代設五率十府掌兵仗羽林洪武初
沿古亦設左右率府尋罷夫東宮不在防禦衛則廢置之由
其輕重

太祖已深識之洪武初制諭德贊善洗馬庶子等官皆以勲舊
大臣兼之亦沿古勲親翊三府之義皆非設官之正耳夫啓
省也給也視主而給之視屬而省之總其屬以事主主德未
脩吾輔振之無功也主學未明吾開導之弗至也是故群而

正焉少而習焉不見異物而遷焉此皇之所以恒為皇三代
有道之長也國初立大本堂合親王居之是時制未全備永
樂間定文華殿講義師少啓事鴻臚給事衆官講畢齊出及
有召問衆官亦必齊入若獨進獨留許給事鴻臚司直清紀
糾劾天順間革選秀才以克伴讀皆所以慎清接與不令見
聞之雜也

司直清紀 啓事府掌侍從兼輔 東宮舊設司直清紀職掌
糾彈今官且不設矣况繩愆糾繆哉

總督 夫天下豈有常勢哉顧制勢者何如耳善制勢者常合
而不分則常治不善制勢者常分而不合則常不治三代以

上無論已漢初以合治矣其終也以分侯王而亂唐初以合治矣其終也以分藩鎮而亂宋初以合治矣其終也以分南
北而亂夫通天下猶一身也治一身者必使摩頂放踵氣血
周流榮衛清利精神管攝而無有壅蔽扞格之處是又視長
生之道也治天下者必使循內及外遠近相持大小相濟強
弱相維而無有偏重不舉之處是又安長治之道也我

國家

列聖制勢之策盡善矣無遺筭矣蓋南京十三省各處巡撫大
臣以制京省之勢而凡城池錢穀甲兵官屬丁田之勢皆得
便宜從事而文武諸臣悉攝已以聽而奉行其制命焉而得

其人也又太平無事則一國之勢合而不分則常治而不亂
此 國家安寧之術所以度越前代也正統而後或變生於
腹裏或釁起於邊陲而諸邊諸省一時撫臣多不能振聯屬
之策興討罪之師保境以自全搜城以自守直為是慄慄爾
若虜之也先河北之趙賊西蜀之廖寇江西之華林及藩豪
八閩之鄧茂楚之麻陽廣之岑猛滇之麓川徇獫震蕩而各
省撫臣皆相視而莫之能相救必設總督而後能平之彼其
時非盡撫臣之怯也亡筭也爵並權均夫兩大不能以相使
一况十數大手勢分故也

列聖振長策而議聯屬邊方腹裡多設總督以聯屬而節制之

若連環然且頒之勅如一省難作則總督調近省之食與兵或擊其首或邀其尾或倚其左或角其右有難則合制之難已則散而歸之無借兵之苦無萃食之擾語曰分指之十彈不如合拳之一擊此分合利病之說也制勢之策善之善者也難之者曰多設總督恐多擾則不便恐多費則不便不知今天下薊遼已設總督矣宣大山西又總督以聯屬之陝西三邊又總督以聯屬之四川雲貴湖廣嘗設總督矣事平罷不設假令至今存也調諸省之食與兵撻而制奔酋爾胡有今日之紛紛也且兩廣有總督矣閩浙直又設總督以聯屬之事平又罷不設假令至今存也調諸省之食與兵直拉朽

而誅浙兵之亂矣又胡有今日之紛紛也近又從言者河漕總督得提督南北直隸山東河南之兵浙江江西湖廣之食是中原一總督也即有師尚詔者弄兵釜中第合諸路坐而烹之爾又胡有往事之紛紛也惟河漕大臣不當令兼巡撫鳳陽爾夫鳳陽迺是陵寢之所鍾也中原之所樞也其地重其勢尊烏可以河漕帶為也且古治水者八年萬里于外又安可匏繫一隅哉決以另置巡臣便由是言之則邊海增兩總督足矣鳳陽增一巡撫足矣增三臣而博天下之安何費之足云且無事則總督不得侵巡撫之權有事則巡撫不得抗總督之命夫調兵食之事數十年一有之何擾之足云

若川雲總督當駐滇或兼巡撫閩浙總督當駐浙或兼巡撫
尤屬者便又不必增官矣河漕總督中原當駐淮而江壯巡
撫當駐鳳陽此大聯屬勢也而鄖陽贛州之軍門又小聯屬
勢也如此則常合而不分常治而不亂然非老臣尊爵不可
也詩曰維師尚父又曰大師皇父固廟堂事乎責乎故曰善
制勢者制之堂上而已矣

總督 問總督軍務官本朝始於何時曰都御史總督軍務自
正統四年麓川之後王驥始也總兵官悉聽節制驥以兵部
尚書帥師當王振好大之心遂擬糧儲故事糧儲稱總督宣
德中始也繼是而已己己之變虜薄都城石亨營城北于兼督

之孫鏜營城西則江淵恭之而已繼是而四方多警類率如
例如馬昂於兩廣石璞於閩外王來於湖廣侯璉於雲南然
事平則罷又繼是景泰天順及成化初白圭葉盛韓雍等皆
稱提督意屬協同勅以贊理為云又繼是則為任官矣成化
六年開總府於梧州此任官之所由是也三邊撫制自弘治
末年秦紘楊一清張泰始便於徵發策應今亦為任官夫議
者秉低昂文武之鈞濟兼制勦緩之術是矣而進止異同東
於和混内外援構隱於奸宄其能制而協之更當潤飭令必
無伏機不亦盡乎又繼是而陳金華陽之後陸完劉六七之
役至統制七省者後事而或援以為例其必有慎而馭之則

可矣

巡撫 問天下巡撫之設何如曰天下設巡撫都御史洪武前無有也大祖不欲以重臣合典錢糧兵馬永樂十九年勅尚書侍郎都御史少卿等官十三員各同給事中一員巡行天下是謂巡撫宣德間令巡撫官每歲八月一赴京議事蓋不欲踈逖以懸機重景泰四年終差都御史其意尚在執持風紀有故則入叅廟議而握蠹之柄則有司存自是則曰整飭曰提督曰總制曰鎮守又復以兵部尚書侍郎之職兼都御史百寮群將俯首聽一人之謀似於兼制少踈故復以巡按權叅殺之然表裏異同痛癢不相關而司鋒鏑者每掣肘不

能自盡是近年失事并罪撫臣誠得肯綮而當道執要可愈施矣夫天順間石亨曹欽請罷巡撫正德間劉瑾取回巡撫彼固借私以逞要亦不謂無說苟使其置布腹心則其為毒又不可勝言切念天下錢糧兵馬之重所賴鎮攝不以躁債事巡撫之不可缺者而書生涉仕必由此以致鄉輔能允文武得全才有幾乎哉不素習而魁與之恐亦不易為稱也

巡按御史 問巡按御史復命以銷繳勘合七分為稱職近固即其數而踰之者矣舊百執事各職其所司而今巡按百務萃攬事大繁而反易集謂之何哉則其所為集知非昔日之詳也曰按憲綱巡按受理詞訟必自各衙門斷過不公者其

所受理必親決不令批發懸意向於喜怒夫然後事可直見而上下附同之派塞矣

六科 問六科主封駁九卿承事取裁 宸衷而給事中與天子爭可否其非宿諳深造不足以當之祇以要津思抑故特卑其銜品遂以新進是克不幾於覆若餽手曰 太祖設科官始示名元士又名士源蓋言繫之重也弘治前以進士筮仕注銓意在初出山人無世情入心必能恪守成法率真不懼弘治十五年馬文升題議始開行人博士兼除之例而推官知縣行取入選則正德中始也蓋法與時更事由諳得有不可以強一者夫道於科言責同而政本之在科尤為關係

道選多途直是舊例然又加以試事科之未有處雖後例通融亦終未之悉焉國初新進士分習九卿衙門各衙門朝夕親試堂上官以其通敏諳歷穎出者咨銓司首克科選是以得人有以也

小京堂 問科道部屬陞小京堂宜否乎曰此弘治初例也超拔任賢亦何不可直須慎用之耳天順以前方面勢重又不為部使所困其遷轉與小京堂等成化間始重小京堂之職內閣吏部乃以是推為駕馭科道之法成化末知釐此弊不許科道陞轉只於郎中內選用弘治改元乃始有兼補之例近來則全以吏部科道克之夫欲重其任則軼其銜 祖宗

用人本意蓋隱其後以殺之所以恃心不萌而逸意自戢今必并其所後而便以圖焉非法之宜也

推用大臣 問陞用大臣吏部會推例不亦公乎起自國初否曰公矣自成化間始也天順間朝罷宣吏部降 旨除某人為某官前是亦出宸擬法漸以備用大臣之道無以輕為乃以票旨異同為內閣所執則閔白其容已乎大臣進退設有專屬勢之不能無所趨有由然者矣

推用方面 問推用方面官吏部舉兩人以聽簡任例始何朝曰此天順末年例李賢在閣為之宣德間三楊用事勅方面有缺令在京三品以上官舉保親民要職盡出私門銓曹專

業乃成虛設矣此可行於三楊而不可行於後世三楊後此例亦罷止吏部查各衙門歷俸淺深奏除夫查其年資出補固必然之限而低昂品器復所不能齊試課稽數是持過此以往則未之或知耳

兵備 問兵備憲員始設於何時曰此弘治間例也馬文昇居本兵憲武職不脩故增一臬員以勅之時內閣劉健力阻而不欲行後因奏設九江兵備都給事中夏祚疏論不可着旨馬回話劉馬皆秉正未克濟時而議見迫不協何也劉欲脩祖宗之舊以振武衛馬則拯倉卒之急以釐宿滯嗟乎為天下計者二澄源塞流世知塞流之易效而人樂於就易是以

創建之本世遠愈不明於天下故各知其已而不會其前日
冗世費而不能以自止雖賢者有不能免民其且柰之何哉
守令 問養民之道莫切於有司而有司賢否必持於考課考
課當而賢否明何術而能然曰天下之親於民得以盡其牧
之之意者莫州縣若天下之近於民得以持其牧之之道者
莫府若惟其親民而能牧則亦能肆已而為殃於是手持之
以府臨之以監司糾之以觀察府上其計監司會之觀察稽
之於是乎銓曹考課之法審有司廢置之典明舊意久而漸
湮當事者急近功乃欲以低昂平其勢故行取縣令為科道
不信監司觀察之言為考課是職無統紀非易簡之法也監

察者便自決乃欲以法律嚴其情故闕白赫於瑣牘下情細
於遙斷是事無体制非平易之道也夫上下有體太小有職
不容於混施王澤壅而不濬其患坐混施援上陵下九牧十
羊無體無職民其得養乎哉

州縣官 問先王體國經野曷為而州也以復別於縣也曰凡
天下要害多設州蓋欲重其衝以鎮之今科道選於縣令而
知州勢輕似於原設矛盾矣

教職 問教之為官也可以寄士養哉曰今天下勢官謂可苟
具無所繫重輕焉莫教職若以其實論之庶官之賢不賢其
由教職之懋不懋始耳天下教官幾三千員注銓者以銜末

才舉人乙榜令就教洪武十八年例也而今故以賤鈍居乙榜以應之正統八年令副榜限年非三十不除蓋惜之也歲貢令就教景太元年例也而貢至景太非棄敝不能與納馬納粟四十五歲令就教成化元年例也而其意固將以備雜流矣弘治間懲其大甚一切革不准除止令舉人歲貢及進士內外見任官科目出身願就者聽弘治十五年許教官如憲綱例入御史選然不能實崇之使得盡職抑末矣今之部使効有司不職則曰堪以任教夫模範不立乃欲責士以行豈不甚難矣乎今欲尊師察覈士養慮於貢員未澄欲並用三途慮於貢法無制古鄉舉里選以得士而今獨不可行乎

若科甲之外依古薦舉而充歲貢之額嚴其法必得真才而並用以為教豈不為養士之望哉

鎮守衛所 問在外各地方設建官軍衙門必有機要大意願聞之曰凡天下要害之地不係一郡者不設兵其止係一郡者設所係連郡者設衛勢重則衛多其尤重者設鎮特官主之總鎮一方者為鎮守獨鎮一路者為分守各守一城一堡者為守備與主將同處一城者為協守又備倭提督提調巡視等官稱掛印專制者為總兵次為副總兵為叅將為遊擊武職蔭襲 問祖宗飭武之道致重於世官 祖宗養材之方 豫練於應襲故制官舍軍操備筭表禪習朝夕見聞而今重

武舉榮任調以佞畢鉛槧礪干戈之士而簽書掛印咸賴以文顯一有緩急是以國與敵也可不畏乎曰本朝武選之途其初深重錄蔭洪武二十二年兵部五軍府官奉旨華蓋殿衛所官員不肯教兒子弓馬如今但有學唱的割了舌頭下棋打雙陸的斷了手蹴圓的卸了脚做買賣的發邊遠充軍已而府軍左衛千戶虞讓男虞端吹簫唱曲將上唇連鼻尖割了龍江衛指揮伏顯與小旗姚晏保蹴圓卸了右脚能驅而自盡其職其後安於世胃純褲恣情不得已而思收異材宣德五年正統八年成化八年各有旨令天下保舉有謀勇者用之其天順八年始開武舉成化四年弘治十七等年

各有參定條例然所取甚少初止取二名七名至十五名三十餘名及嘉靖年間應襲太隲故此途漸重乃非武舉不得陞調於是立胃擁為虛器而功臣之澤斬矣國家相延君子已踰五世舊祿不減而新進既增不有以通之則用於民者何以勝其費耶

京官遷調 科道部屬陞小京堂此弘治初例任賢不次直須慎之天順前方面勢重又不為部使所困其遷轉與小京堂等成化間始重京職遂有借為駕馭之法成化未知釐此弊一於郎中內選用弘治改元乃始有兼補之例近來則全以要克之夫欲重其任則輕其銜 祖宗用人本意蓋隱其後

以殺之所以恃心不萌而逸意自戢今必并其所後而便以圖焉非法之宜也

添設冗員 冗官如寺部卿寺帶俸添註郎中主事增官百倍又競求外差為家鄉便利之圖督速錢穀增郡縣奉承之苦是何益乎藩臬則添設管糧叅議海道副使兵備僉事屯田僉事一事添設一官則原額官員何為者乎郡縣佐貳或添註四員三員凡此冗員俱老髦監生艱難省祭或納粟入監希圖厚獲者故於未選則揭債以往授任則携奴以行舉數十口以仰食一官責望一官以富厚一世則政何有不弊民何由不窮是將添官以任事實因官以生事也識治體者寧

不深遠思慮為國家分憂乎

薦舉 霍韜曰國初用薦舉為重貢舉次之科舉為輕今則科舉為重貢舉次之薦舉不行矣故有行同盜跖心孚商賈者能染翰為文俱隸仕籍此士風所以益偷也

進士觀政 進士每科大約三百名分試九卿衙門觀政每衙門大約三十餘人堂長司僚與之朝夕而試之事其人端委能不能若燭照而數計之於是會其實以上於天官天官籍唯以為銓注文學政事風節慈愷隨所成以授其任任則必久而不數更是以無不可之才無不可知之人此易簡之道祖宗朝之所以得人今乃無豫以處士而後輕用以棄之士

先不幸而嘆其無所遭 朝廷亦不幸而咎不得士其誰自
哉 祖宗之法不存也

京省陞黜員缺 今仕版京堂官約一百二十餘京司官約五
百方面官約四百進士候選者三年約三百進士為州縣正
府佐及舉人官陞京司者約一百三年之間以進士候選者
進士為州縣正府佐者舉人官陞京司者共計五百以陞京
司五百之缺京司之五百以陞方面之四百及羨餘以補京
堂方面之四百合京師羨餘共以陞京堂統共約一千五百
員三年之內續益進士三百并舉人陞京司者歲準其益數
計合消其一百餘員以一千五百人歲得廢黜亡故百餘消

息之數亦自然之勢也復慮才湧官無以居之不為久任長
便之法或數轉以申情或多摘以騰缺或添註增設以疏任
而士無固志雖歆痛裁奔競不能

吏員 文獻通考曰西漢開儒吏二途以取人未為抑揚輕重
自後判為二途儒詆吏為俗吏謂儒為迂故拘謗不通者一
歸之儒放蕩無耻者一歸之吏而二途皆不足以得人矣噫
古之儒通經籍吏精法律今之儒非古之儒今之吏非古之
吏况吏員乎哉

建官總論

上古之治莫唐虞成周若也其風朴其政醇其庶績咸熙其

萬物咸若乃其設官也教養工虞禮樂刑曆分命而不以攝也百揆四岳州牧侯伯並建而不以兼也公族論燮卿牧率倡相聯若此其密也設參傳伍置輔陳殷相維若此其周也則亦若甚詳矣乃稽其數則惟曰唐虞百官而已周官三百六十而已周視唐虞雖稍增廣然有不必備者又多兼者又冢宰歲終詔廢置司士歲登下損益之數則猶有廢而損者非多也且勿論上世即如漢高帝時海內不混一乎然以三公統九卿以丞相史分刺郡國決獄或責廷尉衛屯或至詔罷官之省可知也後乃加設漸多司農之外復有水衡中尉之外復有校尉諸如羽林期門繡衣直指之類蓋視昔幾倍

之焉而治則不逮又如唐太宗時海內不治乎然以六部繼三省以九寺繼六部臺有御史獨司糾察監有八監互以相繼官之省可知也後乃加設漸多水陸有使矣而租庸又置使度支有使矣而監鐵又置使諸如木炭青苗戶口群牧之類蓋視者幾倍之焉而治則不逮夫官皆前寡而後多治皆前隆而後替此其故何也蓋以前之事務減而後之事務增減者益務所以減而增者益務所以增故也夫人恒自淳而趨偽物恒自朴而趨華禮恒自簡而趨繁俗恒自厚而趨薄匪真近代為然即周視唐虞亦有簡矣蓋其勢則然也勢有所必至治有所必坊是故聖人恒反偽以還淳歛華以復

朴約繁以就簡挽薄以從厚有其損之而莫以益也。雖或益之而意亦損也。故其民易從而官亦可無多設。非不欲設自無用此贅疣為也。乃後不識此意而以偽治偽以華治華以繁治繁以薄治薄天下遂紛如矣。不務反本而多官以維持之歆以聚財財益耗歆以強兵兵益疲歆以釐奸奸益滋歆以清刑刑益濫求治愈急而去治則愈遠矣。何者吏議雜而自相亂也。載重者恐軸之折則加轆軸其上以為備不知轆軸之加重而趣軸折也。佩珖而虞其破則佩兩珖以為豫不知兩珖相觸而破愈疾也。然則多事因以多官多官益以多事相交敵者也。而多事則其源也。誠欲省官莫若省事其理

明甚而陳彭年乃謂省事不如省官不亦左乎此不必論也。我朝建官斟酌今古審而不煩踈而不漏誠宜世守而不可損益者也。然承平久而虛文盛加設則亦有矣。邇者悉皆罷去又汰郡邑吏數百人官少民安事無不舉公私饒樂海內晏清久矣。顧上務減官而下不務減事則革於今者未必不復於後汰於此者未必不添於彼何也。官與事相儷也。不可以獨省也。

是故多焉何也。鈎校簿牒往復支辭非軫瘼之切也。藻績文飾務為容美非靖共之忱也。虛增聲數邀求官賞非明試之真也。瘦惡容奸掇求曲細非詰慝之要也。則無乃為塵飯塗

羨者與是故曰無實也夫事當則一可以當百不當則百不
可以當一實則一為而一成不實則百為而百不成徒使文
例叢興姦竒浩積而莫可繩檢乃於是糜沸紛拿顛頓倉皇
以為可以救敵而不知弊之所起寔乃由之非徒無益而又
害焉者也此則百年積習淪胥至斯非一朝一夕之故及
今不亟反之恐日甚一日有不可勝救者矣

